
TE HEHEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 8

Atete 1919

Mat. 13

“To'u fare mo'a, o tei faauehia to'u ra mau taata i te mau tau atoa ia patuhia i to'u ra i'oa mo'a.”

“No reira hoi Au i faaue ai ia Mose ia patu oia i te hoê puhaparaa ia afai-haere-atoa-hia e ratou na te medebara, e ia patu ratou i te hoê fare i roto i te fenua i parauhia maira, ia faaitikia te mau oroa o te vai huna-noa-hia mai hou atu i te ao nei.” B. F. S. 107:12; Exodo 25:8, 9.

TE UPUTA.

Eaha ia te ohipa a te evanelia o tei riro ei uputa tomoraa i róto i te basileia o te Atua, e aore râ, ore noa'tu â te Varua Maitai i horoahia mai, e riro anei te baptizoraa ana'e ei uputa tomoraa i roto i te basileia o te Atua? E mai te mea e ia ore te rima i tuuhia no te horoaraa i te Varua Maitai i muri iho i te baptizoraahia e haamatara-roa-hia anei te mau hara?

Ua tatara-papu-hia teie nei mau tapao i nia nei e to tatou na taeae o Tihoti Birimihala o Nelesona e o Keelera,

na orometua paari hoi ratou no te hoê fare haapiiraa teitei no te Ekalesia i Utaha ra.

Te na ô maira ratou i roto i taua tatararaa ra:

“Amene, amene e parau atu vau ia outou, o te ore e na te uputa i te tomo i roto i te aua mamoe ra, o te paiuma na te tahi e’a ê ra, e eiâ ia e te haru. E na te uputa â te tia i mamoe i te tomo.” Ua itea-papu-hia na vahi e toru i roto i teie nei irava parau, oia hoi: (1) E uputa te vai nei no te basileia o te Atua. (2) O te hoê â ia uputa i tomohia e te Mesia ra. (3) E faatapaohia te mau taata e hope roa’e ei eiâ e te haru o te tamata i te paiuma na te tahi e’a ê.

Ua faaitehia taua uputa no te basileia o te Atua ra i roto i te evanelia a Mataio i te pene 3:13-17 o tei haapii mai i te huru o to te Mesia tomoraa. A maere ai o Ioane Bapetizo i te mea e, ua tia ia bapetizohia te Mesia, parau maira te Faa-ora ia’na. “A tuu noa mai na; e na reira hoi tatou i te faa-tia i te mau parau-tia atoa e au ai.” Oia hoi, A tuu noa mai na no te mea e, o te hoho’a tia mau ta’u e rave nei ia na reira hoi te mau taata’toa e tia’i. Aore roa e tia i te hoê taata ia tomo i roto i te basileia o te Atua, maori râ na roto i te bapetizoraa i te pape e te varua hoi.

A tapao tatou i taua vahi nei: I te bapetizoraahia o Iesu, haere maira Oia i nia mai na raro mai i te pape, haamauhia ihora ta’na fafauraa i te Metua na roto i to’na bapetizoraa-hia, no te mea e, ua pou mai te Varua Maitai e tau ihora Oia i nia iho ia Iesu. No reira i parau mai ai te Mesia e, “Amene, amene, e parau atu Vau ia oe, Ia ore te taata ia fanau i te PAPE e te VARUA e ore oia e ô i te basileia o te Atua ra.” Ia hi’ohia’tu i taua na parau e piti nei, mai te mea ra ia e e piti uputa te vai nei: te uputa tomoraa i te aua tia i ra, e i rapaeau hoi ia i te aua o te basileia o te Atua ra. Te piti, te uputa rahi o te basileia mau. Na roto i te bape-

tizoraa e tomo ai te taata i roto i te uputa o te ana tia i ra, i rapaeau i te ana no te basileia, e na roto i te tuuraa i te rima no te horoaraa i te Varua Maitai e tomo ai te taata i baptizohia i roto i te uputa rahi o te basileia mau o te Atua ra. Ia ore râ te taata i baptizohia e i farii mai hoi i te Varua Maitai, aore roa ia e nehenehe ia'ua ia ô atu i roto i te basileia o te Atua ra.

A hi'o na tatou i te hoê baptizoraa i ravehia i Ephesia ra. I te taeraa'tu o Paulo i reira ite a'era oia e toofanu mau pîpî o tei parauhia e, ua baptizohia i te baptizoraa a Ioane ra; aore râ ratou i farii i te Varua Maitai no reira aore ia papu ia Paulo e ua oti tia roa anei to ratou baptizoraa e aore anei? Baptizo faahou atura o Paulo ia ratou, e ia oti to ratou baptizoraahia, tuu a'era o Paulo i to'na rima i nia iho ia ratou ra, haere maira te Varua Maitai i nia iho ia ratou, parau atura te feia i baptizo-api-hia ra i te parau êê, e tohu ihora i te parau. I te fariiraahia te Varua Maitai e ratou ra, tomo roa ihora ratou i roto i te basileia o te Atua.

B. F. S. 68:4; 32:2; 34:2; 39:2, 6; 55:1.

Te uiraa matamua i tupu mai na roto mai i teie nei mau tapao faahiahiaraa. Teie ia: Eaha ia te mau ohipa e tia ia rave o tei riro ei baptizoraa mau? Area râ, no te pinepine o te tatararaahia taua uiraa no te baptizoraa ra, e vaiho tatou i te reira, e o'ua tatou i nia i te uiraa piti, oia hoi, Eaha ia te tuuraa rima no te horoaraa i te Varua Maitai? Teie te pahonora aano i taua uiraa ra, oia hoi, te taeraa mai o te Varua Maitai i muri a'e i te tuuraa rima ra, o te faaiteraa ia a te Varua Maitai e ua haamauhia taua baptizoraa ra e te Atua, oia hoi, ei tapao matamua, ua haamatarahia te mau hara a te taata i baptizo-apî-hia, ei tapao piti, ua faaôhia taua taata i baptizo-api hia ra i roto i te basileia o te Atua. E mai te faariroraa i te baptizoraa i te pape ei faaite i nia i

28

te ao e ua pûpûhia te hoê fafauraa rahi, e ua riro-atoa-hia te
 i⁶¹ horoaraa i te Varua Maitai ei faaite i nia i te ra'i. Te parau-
 a⁵¹¹¹ ra e, e riro te baptizoraa ana'e ei uputa tomoraa i roto i te
 ra¹²⁹ basileia o te Atua, e au ia taua parau ra mai te parau e e
 ni⁶¹ mea faufaa te faaipoiporaa ia taa ê atu te tane i te vahine e
 ta⁶¹¹ oia atoa mai te parau e, e mea faufaa te hoê parau faaau ia
 to⁶¹ ore i haapaohia te mau vahi i faaauhia i roto i taua parau
 m⁶¹ faaau ra.

Nafea râ te Varua Maitai e haamau ai i to oe baptizo-
 ra¹ra? Te pahonora¹ra, teie ia: Na roto ana'e i te tuuraa i
 ph¹te rima e haamau ai te Varua Maitai i to oe baptizoraa e ai-
 or¹ta atu ravea ê. Ia uihia mai, eaha ia te tumu e haamau ai te
 lia¹Varua Maitai i to oe baptizoraa na roto i te tuuraa i te rima
 ne¹e mea ohie roa ia te pahonora¹ra, oia hoi, E haamau te Va-
 ra¹rua Maitai i to oe baptizoraa na roto i te tuuraa i te rima no
 op¹te mea e, na te Atua iho i faane mai ia na reira. Ia taio oe
 a¹i roto i te bibilia mai te matamua mai e tae noa'tu i te api
 tul¹hopea ra, aore ia oe e ite i te hoê irava o tei patoi i taua ture
 na¹nei, maore râ i te baptizoraa¹hia te Mesia ra. E te tumu i
 i te¹ore i tuuhia'i te rima no te horoaraa i te Varua Maitai i te
 Fa¹Mesia ra, no te mea ia e, aore te hoê taata i reira o tei mau i
 te mana e au ai i te horoaraa i te Varua Maitai. E tahu'a ana'e
 o Ioane Baptizo no reira aore ia i tia ia'na ia tuu i te rima.

Te hoê uiraa i ui-pinepine-hia mai e to matou mau hoa,
 oia hoi, E faaorahia anei te taata i baptizo-ore-hia? E
 mai te mea aita ra, e nahea ia e ora'i te milioni e te milioni
 o te taata i pohe ma te baptizo-ore-hia? I roto i te mana'o
 o te taata o tei papu ore i te ohipa rahi a te mau varua i vai
 i roto i te ao varua ra, e i te ohipa'toa hoi a te feia mo'a a
 te Ekalesia nei o tei ravehia e ratou i roto i te mau hiero mo'a
 ra, te mana'o nei paha ia taua mau taata ra e e ere ia te mea
 tia ia parau atu e, ia ore te taata i baptizohia i te pape e

horoa-atoa-hia'tu te Varua Maitai ia'na ra, e ore roa ia e ô i roto i te basileia o te Atua. Area râ te reira mau ia te parau ta te Mesia i parau atu ia Nikodemo. A taio na tatou i taua parau ra i te pene 3 irava 5 no Ioane. Te na ô maira te Bu-ka Fafau i te pene 84:74; B. F. S. 83:12. "Amene, Ame- ne, e parau atu vau ia outou, o ratou o te ore e faaroo i ta outou ra parau, e aore i baptizohia i te pape, i to'u ra i'oa, ei haamatararaa i ta ratou ra mau hara, ia noaa ia ratou te Varua Maitai, e faahapahia ia, e ore hoi ratou e tae mai i roto i te basileia a to'u Metua, I TE VAHI I PARAHIHIA E TO'U METUA E O VAU."

Te uiraa hopea: E ô anei te taata i roto i te basileia na roto i te baptizoraa e te tuuraa i te rima e te feia i haama- nahia? E tia ia ia matou ia pahono atu mai tei raro nei te huru, oia hoi, Te baptizoraa i te pape, e te horoa'tu i muri a'e te Varua maitai o tei riro ei tapao no te fariiraa i taua ba- ptizoraa ra e i reira e riro ai oia ei melo no te basileia o te Atua. Area râ te taata i baptizohia, ma te horoa ore ia'na i te Varua Maitai e ore roa ia taua taata i baptizohia ra e riro ei melo no te basileia o te Atua. Oia atoa, ia opua te hoê taata i te hoê opuaraa ino e na roto hoi i taua opuaraa ra ua baptizohia oia ei ravea haamanuïaraa i taua opua ino na'na ra, e mana'o anei outou e e riro oia ei melo no te ba- sileia o te Atua? E ore roa taua huru taata ra e riro ei melo no te basileia o te Atua. Ia tae te taata i roto i te uputa o te basileia o te Atua e riro te reira ei haamataraa ana'e no to- 'na haereraa i mua i roto i te parii mau. Eita râ e noaa mai ia'na te parahiraa teitei maori râ na roto ia i te haapao mai- tai e te ite mau.

Eraneta a Rositera.

TE MAU OROA NO TE HIERO.

E mea tia maoti ia ia vai i roto i te mana'o o te taata nei te ite no to'na huru mau e nohea mai hoi oia, e haere tia to'na varua ihea. E ia pohe to'na tino repo nei, e eaha hoi to'na huru ia tia-faahou mai oia. Ia ore te taata i ite i to'na huru mau mai tei uihia i roto i teie nei mau uiraa i nia nei ra, e riro ia ei mea fifi ia'na i te haapao ohie i te mau ture e te mau faaueraa a te evanelia. No reira te hinaarohia nei ia haapii-pinepine-hia to te taata huru mau mai to'na hamaniraahia ei varua e tae noa e a muri noa'tu. E taua huru haapiiraa ra ua haapiihia ia i roto i to matou mau hiero ia ore e moe ohie i te taata nei i te ite i taua mau mea nei, oia hoi, ua riro te mau hiero ei pu vai-maitai-raa no te parau mo'a o tei riro ei faufaa rahi no te evanelia. No reira, te haere pinepine nei te mau melo i te hiero ei faaaraararaa i to ratou mau mana'o i nia i te tumu o to ratou vairaa i roto i teie nei ao. Ua noaa te maramarama rahi na roto i te mau horoaraa i horoahia mai i te mau melo tei tae i roto i te hiero. Te haamaramarama mai nei taua mau horoaraa ra i te huru mau no to tatou oraraa a vai ai to tatou varua i nia i te ra'i, e te haapii atoa mai nei ia i te huru no te hamaniraa o teie nei ao, e te faaite mai nei hoi i te tuatapaparaa parau o to tatou na metua ra o Abamu raua Eva, e to raua hi'araa, e te haapii atoa mai nei taua mau horoaraa ra i te huru o te tupuraa o te evanelia i te mau anotau atoa ra, e te faataa'toa mai nei ia i te auraa mau no te taraehara o te Mesia, ua maramarama hoi te faatia-faahou-raa o te Ekalesia a Iesu Mesia i teie mau mahana hopea nei, e te tahi atoa haapiiraa i noaa mai na roto i taua mau horoaraa ra, o te ite ia i te mau ravea e noaa mai ai ia tatou te oaoa mau a parahi ai tatou i roto i teie nei ao, e ua taa papu hoi ia tatou te vahi e noaa ai ia

tatou i muri a'e i te poheraa. B. F. S. 102:9. Ua tuuhia i roto i taua mau hiero no matou ra, te mau ravea maramarama rahi i itehia e te feia paari no te ao nei, ei haamaramaramaraa i te mau melo no te Ekalesia i te huru mau o te taata. E mai te mea e, ia imi outou i roto i te ao taatoa nei, eita ia e itehia te hoê fare i hau a'e i te maitai i to tatou ra mau hiero. I te hamaniraa a taua mau hiero ra, aita ia i hi'ohia te rahiraa o te mouni, te vahi râ i titaubhia no te patu-raa i taua mau hiero ra te roaaraa ia o te mau ravea hau roa i te paari, e inaha, ua manuïa taua vahi ra. E ua manuïa hoi no te mea e, na te Atua i horoa mai te maramarama, e aore te hoê ohipa a te Atua i hape i te vahi hoê iti a'e.

Ahiri aita te Atua i horoa mai teie nei mau ravea ei haamaramarama ia tatou nei, ua ati ia ta'na mau tamarii i te pouri no te ite ore i ta te Atua i hinaaro.

Te oroa rahi hanahana roa i ravehia i roto i to matou mau hiero, o te faaipoiporaa ia i te pae varua. E taua faaipoiporaa ra, ua riro ia ei titiroraa o te tane i te vahine, e titiroraa o te vahine i te tane e a muri noa'tu. E i muri a'e i te faaipoiporaa i te pae varua e faatitirohia'i te mau tamarii i to ratou mau metua i faaipoipohia ra, mai tei faaitehia e Malaki i te pene 4 irava 5, 6, a na ô mai ai oia. Inaha, e tono na vau i te peropheta ra ia Elia ia outou na, a tae atu ai i taua mahana rahi mata'u o Iehova ra: ia faafariu oia i te aau o te mau metua i te tamarii, e te aau o te tamarii i to ratou mau metua, o te haere mai hoi au, e o te tairi i te fenua nei i te ino."

Hoê noa iho taata i roto i teie nei ao i haamanahia no te raveraa i teie nei oroa hanahana no te faaipoiporaa i te pae varua, e taua taata ra, o te perisideni o te Ekalesia ia, e tia râ i te perisideni ia haamana ia vetahi ê ei tauturu ia'na no te hoê taime poto i te raveraa taua ohipa faaipoiporaa ra.

Te oroa baptizoraa o te taata ora nei, no te taata tei

pohe ra, o te hoê ia oroa hanahana rahi. E te vahi i faataahia no te raveraa i taua ohipa ra i roto ia i te hiero mo'a ra.

I te anotau no Paulo, te aposetolo, ua baptizohia te feia ora no te feia i pohe ra. Te na o maira o Paulo:

"Aore ra, Eaha ihora te feia i baptizohia no te feia i pohe ra, ia ore roa te feia i pohe ra ia tia faahou? eaha ihora ratou i baptizohia'i no tei pohe ra?" I Kor. 15:29.

Larasona.

Te Tumu i Hamanibia'i te Mau Hiero, e te Hoê mau Ohipa i Faatihia i Roto ra.

"Te haere vave atu nei hoi Au i to'u hiero," B. F. 36:8; 42:36; B. F. S. 35:3; Malaki 3:1.

Ia faatia to'u ra mau taata i te hoê fare no'u, i roto i te i'oa no te Fatu, e aore i faatia i te hoê mea viivii ia ô atu i roto, e ore ai e haaviivii ai, e vai ia to'u ra hanahana i nia iho i te reira; oia ia, i reira atoa hoi Au, e haere atu hoi Au i roto i te reira, e te feia atoa o tei mâ te aau ra ia haere ai i roto, e ite ia i te Atua;" B. F. 97:15-17; 84:5; 94:8, 9; B. F. S. 94:4.

"Ia patuhia teie nei fare i to'u ra i'oa, ia faaite Au i ta'u mau oroa i reira, i to'u ra mau taata," B. F. 124:40; B. F. S. 107:13.

"Ia hamani outou i te hoê fare, e i roto i te reira fare te opua nei Au ia faaûrûhia ratou o ta'u i maiti, i te mana no nia mai," B. F. 95:8, 9; 38:32, 38; B. F. S. 92:2.

"E mea tia ia'u ia farii ta'u mau peresibutero matamua i to ratou horoaraa mo'a mai nia mai, i roto i to'u nei fare, o ta'u i faaue ia faatihia i roto i to'u ra i'oa." B. F. 105:33; 109:35; B. F. S. 102:10.

“E horoa atu Vau na outou, o te mau rave ohipa mata-mua i roto i teie nei basileia hopea, e faaueraa, ia haaputu outou ia outou iho, e ia haamanu ia outou iho, e ia faaineine ia outou iho; e ia haamo'a ia outou iho; oia ia, ia tamâ i to outou mau aau, e ia horoihia to outou mau rima e te avae hoi i mua ia'u, ia tamâ Vau ia outou; ia faaite atu Vau i to outou Metua, e i to outou Atua, e i to'u Atua, ua mâ outou i te toto no teie nei ui rave hara, ia faatupu Van i tei parauhia mai, i teie nei parau rahi hopea ia outou i te taimie e au ia'u.” B. F. 88:74, 75, 70, 116; 95:7; B. F. S. 85:20.

“Oia mau ta'u e parau atu ia outou nei, i ta outou mau tahinuraa, e i ta outou mau horoiraa, e ta outou mau bapetizoraa no te feia i pohe ra, e i ta outou ra mau putuputuraa hahano ra, e i ta outou ra mau parau faaiteraa no ta outou ra mau tusia, i te mau tamarii a Levi, e i ta outou ra mau ohipa mo'a a te Atua i roto i ta outou ra mau vahi mo'a roa ra, e iteahia ai ta outou ra mau paraparauraa, e ta outou ra mau ture e te faaotiraa parau, ei haamataraa no te mau heheuraa e te faatumuraa no Ziona, e no te hanahana e te tura e te horoaraa mo'a i ta'na atoa ra mau haapaoraa, e ua faataahia te reira mau mea e te oroa no to'u fare mo'a,” B. F. 124:29; 109:80; B. F. S. 107:12.

“Eaha ta outou mau horoiraa e fariihia'i e Au, maori râ ia haapaohia e outou i roto i te hoê fare o tei patuhia e outou no to'u ra i'oa? B. F. 124:37; B. F. S. 107:12.

“Na te perisideni e aore râ na te peresibutero perisideniraa o te Ekalesia, e haapao i teie nei oroa horoiraa avae. Ia hamatahia te reira i te pure, e ia oti te amuraa i te pane e te uaina, ei reira oia e tatua ai ia'na iho mai tei faaitetia i roto i te pene hoê ahuru ma toru a Ioane ra, no'u.” B. F. 88:139-141; B. F. S. 85:46; Ioane 13:4-15.

“Ua haapaohia hoi ei roto i Ziona, e i ta’na ra mau mataeinaa, e i Ierusalema, * ei reira ta outou mau baptizoraa no te feia i pohe ra.” B. F. 124:36; B. F. S. 107:11.

“Aore roa hoi e vahi i iteahia i te ao nei e tia ai ia’na ia haere mai e ia faaho’i faahou mai i tei moe ia outou, oia hoi, i te afai-ê-hia e Ana, oia hoi, te îraa no te autahu’araa; aore hoi e vai nei e fanata, oia hoi pani baptizoraa i te ao nei; ia baptizobia ratou, ta’u feia mo’a, no te feia i pohe ra, no to’u fare hoi te reira oroa.” B. F. 124:28-30; 128:13; B. F. S. 107:10.

“Ia faaafaro-maitai-hia te mau parau i papaihia, ia tia ia vaiihohia i roto i te mau vairaa parau i roto i to’u hiero mo’a, ia haamauhia ei haamana’oraa i tera ui e i tera ui, te na reira maira Iehova Sabaota.” B. F. 127:9; 128:24; B. F. S. 109:6.

“Te haapiiraa no te mau peropheta, o tei haamauhia ei haapiiraa ia ratou i te mau mea e faufaahia’i ratou, oia hoi, na te feia toroa atoa no te Ekalesia, * ia haamatabia i te mau tahu’a rarahi, e ia tae noa atu i raro i te mau diakonora;” B. F. 88:127-138; 90:7,8; 95:10, 17; B. F. S. 85:39.

Te Mau Hiero no Teie nei Tau.

“E ore teie nei ui e hope i te mou a faatiabia atu ai te hoê fare na te Fatu, e tuuhia hoi te reira e te ata, e o te reira ata o te hanahana ia no te Fatu, e î roa hoi te fare i te reira (*hanahana*).” B. F. 84:5; B. F. S. 83:2; I Arii 8:10.

“E pûpû te mau tamaroa a Mose e te mau tamaroa atoa hoi a Aarona i te tufaa tiahia e te tusia i roto i te fare a te Fatu, e faatiabia hoi te reira fare na te Fatu i roto i teie ui i nia i te vahi i haamo’ahia, mai tei haapaohia e Au;” B. F. 84:31; B. F. S. 83:6.

Mau Parau Apî

Te opua nei te hau Baratani i te heru i te hoê apoo na raro a'e i te miti ei purumu auri no te pereoo auahi, e te vahi i mana'ohia no taua purumu auri ra, mai te fenua Baratani atu ia i te te fenua ra o Farani. E te moni i mana'ohia e pau ai i te haman raa i taua purumu auri ra e piti ahuru milioni dala (\$ 20,000,000).

Te hamata nei tatou i te haavî i te mana no te moana. Te maue atu na te reva, i nia'e i te moana e te horo atoa'tu na nia i te fenua i raro a'e i te moana. Auê tatou e.

E haavâhia te Kaisara o Viliamu e te hau Amui no te mau hamani-ino-raa i faatupuhia e ana i te hau Amui.

Te vai nei te hoê ravea ino roa a te mau taata orure ia hamani ino ratou i te feia mana no te hau. Mai tera te huru. E hamani te taata orure i te hoê topita, e ia oti i te hamanihia, e puohu maite oia taua topita ra, e tuu ai i roto i te hoê afata i hamanihia no taua topita ra. E tapiri oia i te parau hi'o i te pae raro i te tapoiraa o taua afata ra, e haamau oia i te tahi mau mati i nia iho i taua tapita ra. E faatano oia te vairaa o taua mau mati ra i te parau hi'o. Ia oti nehenehe roa, e haapono atu ai oia i taua afata ra i te taata i opuahia i te hamani-ino-hia. E ia fariihia taua afata ra e te taata no'na te i'oa i papaihia i nia iho ra, e iriti mai ai oia i te tapoi ma te mana'o e, e tao'a maitai paha to roto i taua afata ra, e i te iritiraa te tapoi, na te parau hi'o e tutui i te mau mati, e haruru ihora te topita e pohe roa'tura te taata no'na taua afata ra.

Te hoê utua i tuuhia i nia iho i te Purutia, o te aufauraa ia i na moni e piti ahuru e ma pae bilioni dala (\$ 25,000,000, 000) i te hau Amui. Te aufauraa matamua e pae ia bilioni dala (\$5,000,000,000), e na reira noa e tae noa'tu ia pee roa taua utua ra.

Ua opani-etaeta-roa-hia te hamaniraa ava i te fenua ra o Amarika; e ore atoa ia nehenehe ia afaihia te ava mai te tahi fenua êê i roto i Amarika.

E teie nei te haamata nei to Amarika i te imi i te ravea maitai ia opanihia te puhipuhiraa i te avaava. E homa, aita anei i taa papu ia outou e, te farii noa nei â to te ao nei i te mau ture a te Ekalesia Momoni, na te reira i faaite mai ia outou e, ua maiti-mau-hia Iosepha Semita, te peropheta ra e te Atua.

I te matahiti 1896 i tae mai ai to tatou taeae orometua o Daniela Mila i teie mau paeau fenua Ociania nei ia poro-hae-re i te evanelia. E piti matahiti e tiahapa te maoro i to'na parahiraa i rotopu i te mau taata Tahiti nei. Na'na i tauturu i te iritiraa te Buka a Moromona ei re'o Tahiti.

I te 5 no Me no teie nei matahiti i pohe atu ai oia i te fenua ra o Utaha. E poheraa hanahana roa to'na. Te vai itoito noa ra oia i roto i te ohipa a te Fatu e tae noa'tu i to'na ra poheraa.

TOAE A MAIRE, Faaau Parau, Rue Dumont d'Urville, Orovini, Papeete, Tahiti.
ERNEST C. ROSSITER, Imprimeur, Rue Brea et de la rue Dumont d'Urville,
Papeete, Tahiti.